



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

10 Reconciliatio Ecclesiae non consecratae, & coemeterij quomodo fieri
debeat.

urn:nbn:de:hbz:466:1-10316

Quinto, si ecclesia per Episcopum excommunicatum publicum consecretur, vel benedicatur, quia si corpus excommunicati mortui execratur ecclesiam, vel cœmeterium, dicit cap. consuliisti, & cap. ecclesiam, multo magis, ubi ipsa consecratio transit per manus, & os excommunicati, arg. l. Domitius, de test. & Graff. eodem cap. 15, num. 19.

7 At polluta ecclesia, etiam cœmeterium contiguum est pollutum, & non contra, quia cœmeterio polluto, quamvis ecclesia contiguo, non est polluta ecclesia, ne minus dignum majus, aut accessorium principale ad se trahere videatur, d. cap. de consecr. eccles. vel alt. in 6.

8 Ecclesia reconciliatio fit per aquam cum vino, & cinere benedictam, & per aquam significatur populus, cap. cum Marthe, §. quasivisti, circa finem, de celebrat. miss. per cinerem, memoria passionis Christi, Zabarel. in cap. proposuisti, de consecr. eccles. vel alt. & vinum aqua permistum significat unionem divinitatis, & humanitatis, & ponuntur ista, ut populus, qui per aquam designatur, mundetur, & uniatur Deo, quod significat per vinum aqua mixtum, Abb. antiqu. in d. cap. proposuisti, nu. 2, eodem tit. de consecrat. & Graff. eodem cap. num. 17.

9 Consecratio autem, fit seu reconciliationis ecclesiarum, & altarium a deo solis Episcopis competit, ut nec Vicarius consecrationem, aut reconciliationem exequi possit, nisi sit Episcopus, ex supra in superiori cap. deductu, & ecclesia non consecrata, si injuria sanguinis effusione polluatur, est etiam reconcilianda, cap. final. eod. tit. de consecrat. eccles. vel alt. quia ecclesia, in quibus divina mysteria celebrantur, licet

adhuc non extiterint consecratae, nullo jure privilegium immunitatis amittunt, cum obsequiis divinis dicata nullius sint temerariis ausibus profananda, cap. penult. de immunitat. eccl. & ibi glos. in ver. admittitur, & gaudent eodem privilegio, quo, & consecratae, gloss. in d. cap. fin. in ver. non consecratae, & Abbas num. 2. tamen in reconciliationis actu servari non debet forma, quæ requiritur in reconciliatione ecclesiarum consecratae, sed sufficit, quod aqua exorcizata protinus lavetur, ne divinæ laudis organa suspendantur, d. cap. fin. & ibi Abb. quod interim organa clericorum suspenduntur, nu. 4, de consecrat. Nam minor solemnitas in reconciliatione ecclesiarum non consecratae requiritur, quam in consecrata, quia cum magis delinquatur in loco consecrato, expedit, ut in actu reconciliationis major demonstratio fiat, argum. text. in cap. cum illorum, §. primò, si fuerint, de sentent. excommunicat. & Abb. in d. cap. fin. in fine, & licet videatur, quod per Episcopum ecclesia sit reconcilianda, per tex. in cap. aqua, eod. tit. 10 fit ecclesia tamen non consecrata, si polluatur, per simplicem lacerdotem aqua per Episcopum exorcizata pro reconciliatione lavari potest, glo. si in d. cap. fin. quam sequitur Abb. & dicit, cum eadem opinione doctores communiter transire, nu. 6. & eadē ratione cœmeteria polluta, quæ non sunt annexa ecclesiis, eadem aqua exorcizata per simplicem facerdotem possunt reconciliari, quia illa cœmeteria non consecrantur, sed benedicuntur, cetera vero cœmeteria ecclesiis contigua, & quæ unā cum ecclesiis consecrantur, non, nisi ab Episcopo possunt reconciliari, quia de connexis, uti de similibus, idem est iudicium, c. inter ceteras, de rescript. c. 2, de trans-

lat. p. clat. &c. in causis, de re judic. Episcopi tamen aliqui, privilegio Papæ suffulti aquam per ipsos exorcizatam perlonis in dignitate Eccles. constitutis transmittere, & facultatem reconciliandi illis delegare possunt, quod privilegium ex causa concedi solet.

ii Altaria sine reliquiis † consecrari non possunt, *cap. placuit, de consecr. d. i. & consecratio altaris præcipue consistit in coniunctione mensæ, scilicet, lapidis superioris, & structuræ inferioris, Innoc. in rub. de consecr. n. 2.* Nam pluribus ex causis reconsecrantur, si altare motum fuerit, aut lapis ille solummodo superpositus, qui sigillum continet, contractus, aut enam diminutus, *c. 1. & c. 3. de consecr. eccl. vel altar.* sunt etiam reconsecrandæ, si augeantur, vel minuantur, aut mutentur, ita quod amittant priorem formam, quia forma dat esse rei, Abb. *in cap. ligneis, nu. 2. eo. tit.* & par modo altare viaticum, si amittat formam, vel frangatur, illius sigillum est reconsecrandum, ut per Abb. *ubi supra.*

iiii Sicut enim † altare consecrari non debet, nisi ab Episcopo, sic non debet quis illud execrari, vel destruere, nisi Episcopus, vel alius de ejus mandato Turrecrem. *in cap. placuit, de consecr. dist. i. † Vasa sacra, planetæ, palle, vestes sacerdotum, & ministrorum, & similia non sunt ad usus profanos convertenda, quia Deo dicata ad usus profanos reverti non debent, cap. nulli, 12, q. 2, & cap. semel, de reg. jur. in 6.* sed paramenta, si qua vetustate sint consumpta, comburi debent, & cineres in ecclesia sub pavimento, vel alio loco tuto, & honesto, ne pedibus intrantium conculcentur, sunt reponendæ, *cap. altaris de consecr. 4. d. i. † Calicem verò, nisi de auro, argento,*

vel stanno consecrare non licet, non autem ex ære, aut aurichalco, quia ob vini virtutem æruginem facit, pariterque vomitum provocat, minusque ligneum, aut vitreum, cum quo missa prohibetur celebrari, *cap. ut calix, ead. dist. & quicquid in contrarium supra disponatur de calice ex stanno, qui non est prohibitus, hodie minime admittitur eadem ratione, quia de facili æuginatur, & museam parit celebranti, eodem c. ut calix, & ubi est eadem ratio, eadem debet esse juris dispositio, l. illud. ff. ad l. Aquil.*

Virgines quoque † non, nisi per Episcopum, possunt consecrari, *cap. quamvis copiis opa, 68. dist. & cap. si jubet, 26, quest. 6.* & debent consecrari in ueste professionis, quam semper ferre tenentur, *cap. sanctimoniali, 23. dist.* sunt enim consecrandæ solemnibus diebus tantum, ut in Epiphania, per hebdomadam Paschæ, & in festis Apostolorum, nisi in contrarium immineat necessitas, *cap. devotionis, 20, q. 1.*

16 Quæri potest, † an procuratio pro visitatione debita, ut suo loco dicetur, recipietiam possit pro consecratione, & est distinguendum, quod aut loquimur de consecratione calicum, ordinandorum, & virginum, quæ fit in propria civitate, & pro ordinandorum consecratione, & tunc res caret difficultate, quod nihil accipi possit in quocunque loco ordinationes habeantur, sed gratis operam suam visitantes praestare omnino tenentur, Conc. Trid. c. 1. de refor: *sess. 21.* & eadem ratio militat in virginibus consecrandis, vel velandis, ac calicibus consecrandis, campanisque benedicendis, & ita se habet communis usus, & consuetudo, quæ est servanda, Conc. Trid. *cap. 3. §. in iis verbis, de reformat: sess. 24.* aut est.